

佛說佛印三昧經六

羊六

出生菩提心經

繖蓋上蘇反 寶王上音若 若音若 縛下音舉 舉余預揀擇
上音若 若音若 縛下音舉 舉余預揀擇

二經合卷

文殊師利般涅槃經

羊七

異出菩薩本起經

文殊師利般涅槃經

西晉優婆塞聶道真譯

如是我聞一時佛在舍衛國祇樹給孤獨園
 與大比丘僧八千人俱長老舍利弗大目犍
 連摩訶迦葉摩訶迦旃延如是等眾上首者
 也復有菩薩摩訶薩十六人等賢劫千菩薩
 彌勒為上首復有他方菩薩千二百人觀世
 音菩薩而為上首爾時世尊於後夜分入于
 三昧其三昧名一切光入此三昧已舉身皆
 放金色光明其光大盛照祇陀林猶若金色
 迴旋宛轉照文殊房化為七重金臺一一臺
 上有五百化佛臺中經行時文殊師利房前
 自然化生五百七寶蓮華圓若車輪白銀為
 莖黃金為葉阿菟咤碼碼以為其臺雜色真

珠以爲華鬚其華有光照佛精舍從精舍出
還入文殊師利房

爾時會中有菩薩摩訶薩名跋陀波羅此瑞
現時跋陀波羅即從房出禮佛精舍到阿難
房告阿難言汝應知時今夜世尊現神通相
爲饒益衆生故說妙法汝鳴捷椎爾時阿難

白言大士世尊今者入深禪定未被勅旨云
何集衆作是語時舍利弗至阿難所告言法
弟宜時集衆爾時阿難入佛精舍爲佛作禮
未舉頭頃空中有聲告阿難言速集衆僧阿
難聞已即大歡喜鳴捷椎集衆如此音聲遍
舍衛國上聞有頂釋梵護世四天王與無數

天子將天華香詣祇陀林

爾時世尊從三昧起即便微笑有五色光從
佛口出此光出時祇洹精舍變成琉璃
爾時文殊師利法王子入佛精舍爲佛作禮
一一膝上生五蓮華文殊佛前合指掌時手
十指端及手掌文出十千金色蓮華以散佛

上化成七寶大蓋懸諸幢幡十方無量諸佛
菩薩映現蓋中遶佛七帀却坐一面

爾時跋陀波羅即從座起整衣服爲佛作禮
長跪合掌白佛言世尊是文殊師利法王子
已曾親近百千諸佛在此娑婆世界施作佛
事於十方面變現自在却後久遠當般涅槃

羊七

二

佛告跋陀波羅此文殊師利有大慈悲生於
此國多羅聚落梵德婆羅門家其生之時家
內屋宅化如蓮華從母右脇出身紫金色墮
地能語如天童子有七寶蓋隨覆其上詣諸
仙人求出家法諸婆羅門九十五種諸論議
師無能酬對唯於我所出家學道住首楞嚴
三昧以此三昧力故於十方面或現初生出
家滅度入般涅槃現分舍利饒益衆生如是
大士久住首楞嚴佛涅槃後四百五十歲當
至雪山爲五百仙人宣暢敷演十二部經教
化成熟五百仙人令得不退轉與諸神仙作
比丘像飛騰空中至本生地於空野澤尼拘

樓陀樹下結加趺坐入首楞嚴三昧三昧力故身諸毛孔出金色光其光遍照十方世界度有緣者五百仙人各皆見火光從身毛孔出是時文殊師利身如紫金山正長丈六圓光嚴顯面各一尋於圓光內有五百化佛一一化佛有五化菩薩以爲侍者其文殊冠毗楞伽寶之所嚴飾有五百種色一一色中日月星辰諸天龍宮世間衆生所希見事皆於中現眉間白毫右旋宛轉流出化佛入光網中舉身光明焰焰相次一一焰中有五摩尼珠一一摩尼珠各有異光異色分明其衆色中化佛菩薩不可具說左手執鉢右手擎持

羊七

佛告跋陀波羅是文殊師利有無量神通無量變現不可具記我今略說爲未來世盲瞶衆生若有衆生但聞文殊師利名者除却十二億劫生死之罪若禮拜供養者生生之處恒生諸佛家爲文殊師利威神所護是故衆生當勤繫念念文殊像念念文殊像法先念琉璃像念琉璃像者如上所說一一觀之皆令了了若未得見應當誦持首楞嚴經稱文殊師利名一日至七日文殊必來至其所若復有人宿業障者夢中得見夢中見者於現在身若求聲聞以見文殊師利故得須陀洹乃至阿那含若出家人見文殊師利者已得見故一日一夜成阿羅漢若有深信方等經典是法王子於禪定中爲說實義令得深法若使亂心多者於其夢中爲說實義令其堅固於無上道得不退轉

佛告跋陀波羅此文殊師利法王子若有人念若欲供養修福業者即自化身作貧窮孤

獨苦惱衆生至行者前若有人念文殊師利者當行慈心行慈心者即是得見文殊師利是故智者應當諦觀文殊師利三十二相八十種好作是觀者首楞嚴力故當得疾疾見文殊師利作此觀者名爲正觀若他觀者名爲邪觀佛滅度後一切衆生其有得聞文殊

師利名者見形像者百千劫中不墮惡道若有受持讀誦文殊師利名者設有重障不墮阿鼻極惡猛火常生他方清淨國土值佛聞法得無生法忍說是語時五百比丘遠塵離垢成阿羅漢無量諸天發菩提心願常隨從文殊師利

羊七

四

爾時跋陀波羅等白佛言世尊是文殊師利誰當於上起七寶塔

佛告跋陀波羅香山中有一大鬼神自當擎去置香山中金剛山頂上無量諸天龍神夜叉常來供養大衆集時像恒放光其光演說苦空無常無我等法跋陀波羅此法王子得

不壞身我今語汝汝好受持廣爲一切諸衆生說說是語時跋陀波羅等諸大菩薩舍利弗等諸大聲聞天龍八部聞佛所說皆大歡喜禮佛而退

文殊師利般涅槃經